

**Broj: 06-03-1357-05/09**  
**Mostar, 30.08.2010. godine**

Na osnovu člana 14., člana 15., člana 29. i člana 30. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 5., člana 6., člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2) i člana 37. stava (4) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 47. Pravilnika za izdavanje dozvola-licenci („Službene novine Federacije BiH“ broj 29/05), nakon analize podnesenog Izvještaja o regulatornom nadgledanju obavljenom u Javnom preduzeću Elektroprivreda Bosne i Hercegovine d.d.-Sarajevo, Regulatorna komisija za električnu energiju u Federaciji Bosne i Hercegovine-FERK je dana 30.08.2010. godine na nastavku X redovne sjednice donijela sljedeće

## **R J E Š E N J E**

1. Nalaže se Javnom preduzeću Elektroprivreda Bosne i Hercegovine d.d. - Sarajevo, imaocu Dozvole za rad-licence za obavljanje elektroprivredne djelatnosti distribucija električne energije, poduzimanje sljedećih mjera u skladu sa uslovima izdate Dozvole po tačkama kako slijedi:

### **a) Zakoni, propisi, tehnički standardi i odobrene tarife**

Tačka 4.1.1. Dozvole za rad-licence za obavljanje elektroprivredne djelatnosti distribucija električne energije:

- **dopuniti Proceduru za rješavanje prigovora krajnjih kupaca električne energije PD 72/01 odredbama o obezbjeđenju dokaza o urednoj dostavi, a posebno u vezi sa odredbama tačke 5.2.2. Procedure, te uskladiti istu s Opštim uslovima za isporuku električne energije, bez odlaganja**
- **dopuniti Proceduru koja se odnosi na postupak obrade zahtjeva za prethodnu elektroenergetsku saglasnost i izrade prethodne elektroenergetske saglasnosti za krajnjeg kupca/proizvođača PD 72/05 odredbama o obezbjeđenju dokaza o urednoj dostavi, a posebno u vezi sa odredbama tačke 5.6. Procedure, te uskladiti istu s Opštim uslovima za isporuku električne energije, bez odlaganja**
- **dopuniti Proceduru koja se odnosi na postupak obrade zahtjeva za elektroenergetsku saglasnost i izrade elektroenergetske saglasnosti za krajnjeg kupca/proizvođača PD 72/07 odredbama o obezbjeđenju dokaza o urednoj dostavi, a posebno u vezi sa odredbama tačke 5.7. Procedure, te uskladiti istu s Opštim uslovima za isporuku električne energije, bez odlaganja.**

**(mjera je djelomično ponovljena u odnosu na rješenje sa prethodnog regulatornog nadgledanja broj 06-03-1357-03/09 od 24.02.2010. godine).**

**b) Pristup distributivnoj mreži i priključenje korisnika**

Tačka 4.3. Dozvole za rad-licence za obavljanje elektroprivredne djelatnosti distribucija električne energije:

- uskladiti plan razvoja distributivne mreže sa prostornim, urbanističkim i regulacionim planovima na svom distributivnom području radi omogućavanja pristupa mreži u skladu sa članom 5. stavom (1) tačka c) Opštih uslova za isporuku električne energije („Službene novine Federacije BiH“ broj 35/08, 81/08) i Zakonom, što predstavlja trajnu aktivnost,
- kod postojećih krajnjih kupaca čije se napajanje obavlja preko postrojenja i mjernih uređaja drugih kupaca insistirati da isti zatraže nove elektroenergetske saglasnosti i u dogovoru sa distributerom riješe napajanje u skladu sa Zakonom i članom 89. stavom (6) važećih Opštih uslova, bez odlaganja, s obzirom na završetak aktivnosti koji je prema ovoj tački 31.12.2010. godine. Isto tako, nastaviti intenzivnije raditi na rješavanju pitanja indirektnih kupaca da bi se ispoštovali naprijed navedeni rokovi i po završetku tih aktivnosti obavijestiti FERK, bez odlaganja,
- intezivirati aktivnosti oko zaključivanja ugovora o korištenju mreže i ugovora o snabdijevanju električnom energijom sa postojećim krajnjim kupcima iz kategorije domaćinstva, s obzirom da je članom 89. stavom (1) važećih Opštih uslova za ovu aktivnost ostavljen rok od godinu dana od stupanja na snagu važećih Opštih uslova, bez odlaganja,
- razraditi proceduru za očitavanje i obračun potrošnje indirektnih kupaca i istu dostaviti FERK-u na uvid, bez odlaganja, te upozoriti Tvornicu kartona i ambalaže d.o.o. Cazin da će joj se obustaviti isporuka električne energije ukoliko nastavi sa praksom preprodaje iste,
- uspostaviti ažurnu evidenciju o realizaciji ugovora o priključenju/povećanju priključne snage u svim svojim poslovnim jedinicima, bez odlaganja.

**c) Kvalitet električne energije**

Tačka 4.4. Dozvole za rad-licene za obavljanje elektroprivredne djelatnosti distribucija električnom energijom:

- kontinuirano raditi na dovođenju pogonskih parametara distributivne mreže u okvire predviđene evropskom normom EN 50160 da bi se postigli rokovi postavljeni Opštim uslovima za isporuku električne energije, što predstavlja trajnu aktivnost.

(mjera je djelomično ponovljena u odnosu na rješenje sa prethodnog regulatornog nadgledanja broj 06-03-1357-03/09 od 24.02.2010. godine).

**d) Procedure za najavu planiranih prekida u napajanju kupaca**

Tačka 4.14.1. i 4.14.2. Dozvole za rad-licence za obavljanje elektroprivredne djelatnosti snabdijevanja električnom energijom prvog reda:

- **pridržavati se rokova za obavještanje kupce o obustavi isporuke električne energije zbog planiranih radova, propisanih u članu 74. stavu (4) Opštih uslova za isporuku električne energije i takav način obavještanja primjenjivati u svim svojim podružnicama i poslovnim jedinicima, što predstavlja trajnu aktivnost**

**(mjera je djelomično ponovljena u odnosu na rješenje sa prethodnog regulatornog nadgledanja broj 06-03-1357-03/09 od 24.02.2010. godine).**

2. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, kao i u „Službenim novinama Federacije BiH“.

### **O b r a z l o ž e n j e**

FERK je regulatorno nadgledanje obavio u skladu sa uslovima dozvole za rad-licence koju je FERK izdao Javnom preduzeću Elektroprivreda Bosne i Hercegovine d.d. - Sarajevo (u daljem tekstu: imalac dozvola) na XVI. redovnoj sjednici održanoj 29.11.2007. godine kada je donio Rješenje broj 06-03-466-16/11/07 o izdavanju Dozvole za obavljanje elektroprivredne djelatnosti distribucija električne energije, s rokom važenja do 31.12.2012. godine i Rješenje broj 06-03-467-16/12/07 o izdavanju Dozvole za obavljanje elektroprivredne djelatnosti snabdijevanja električnom energijom, s rokom važenja do 31.12.2011. godine.

U skladu sa članom 14., članom 15. i članom 30. Zakona o električnoj energiji i članom 47. Pravilnika za izdavanje dozvola-licenci, FERK je izvršio regulatorno nadgledanje u JP Elektroprivreda BiH d.d. - Sarajevo u toku 2009. godine, te je donio Rješenje broj 06-03-1357-03/09 od 24.02.2010. godine, kojim je dao nalog da se usklade sve procedure koje donosi JP Elektroprivreda BiH d.d. - Sarajevo u vezi sa provođenjem Opštih uslova za isporuku električne energije („Službene novine Federacije BiH“ broj 35/08, 81/08, 32/10, 37/10) s istim, bez odlaganja. U cilju provjere izvršenja naloga iz Rješenja broj 06-03-1357-03/09 od 24.02.2010. godine, i na osnovu saznanja do kojih je FERK došao obraćanjem kupaca, u navedenom javnom preduzeću u periodu od 02.06.2010. godine do 03.06.2010. godine, i u periodu od 09.06.2010. godine do 10.06.2010. godine, FERK je izvršio ponovo regulatorno nadgledanje od strane Komisije za nadgledanje obavljanja licenciranih djelatnosti imenovane Rješenjem FERK-a broj 01-03-414-01/09 od 24.04.2009. godine. U toku predmetnog regulatornog nadgledanja u 2010. godini, navedena Komisija je pregledom dokumentacije i njenim izuzimanjem, kao i na osnovu pojašnjenja dobivenih od lica zaposlenih kod imaooca dozvole vršila provjeru usaglašenosti stvarnog stanja sa uslovima izdate Dozvole. Postojanje utvrđenih nepravilnosti korištenja dozvole su konstatovane u Izvještaju o obavljenom regulatornom nadgledanju broj 06-03-872/10 i broj 06-03-873/10 od 25.06.2010 godine, koji je dostavljen imaoocu dozvole na davanje komentara. U ostavljenom roku imalac dozvole nije dostavio komentare na Izvještaj o obavljenom regulatornom nadgledanju te mu je FERK uputio urgenciju 13.07.2010. godine

pod brojem 06-03-873-01/10, nakon čega je imalac dozvole dostavio komentar na Izvještaj o obavljenom regulatornom nadgledanju primljene pod brojem 06-03-872-01/10 i pod brojem 06-03-873-03/10 dana 22.07.2010 godine, u kojem navode da nemaju primjedbi i obavještavaju FERK da su poduzeli aktivnosti na provođenju datih preporuka. FERK je na nastavku X redovne sjednice održane 30.08.2010. godine analizirao Izvještaj o obavljenom regulatornom nadgledanju, kao i dostavljene komentare imaoa dozvole, a sve u skladu sa svojim pravilima i propisima i uslovima Dozvole za rad-licenci.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a:  
Zdenko Šimunović s.r**